

四國志畧

貫三氏署



四

國

志

畧

光緒貳拾八年上

海書局石印

西學新政叢書

英法俄德四國志略序

公羊多齊言淮南多楚語讀者不明乎方言之故輒鉤棘而難通此在中土之書已然況乎方域之外文字派別有非六書點畫之學所能合者此越裳重譯所以導後世之舌人也周秦之世常以歲八月遣輜軒之使求異代方言還秦籍之藏於秘室語見應劭風俗通義序中嬴氏既亡遺佚垂盡而揚雄方言始著於時舊唐書經籍志謂之別國方言容齋隨筆又謂之絕域語釋似雄書所載已及域外今按其書無絕域重譯之語蓋鉤稽異同止乎名物裨益訓詁不出中邦此小學之緒言非其大者遠者也四明沈仲禮司馬鈞索三古旁覽輯藝少歲游外部歷諸國既通其語言文字久而得其疆域政治文事武備風俗物產諸大端時方習泰西字學輒錄存之歸而譯為文辭成英法俄德志略四卷校刊之日共事江甯水師講堂因得受而讀之其審別義類殫述見聞信有裨於實用蓋由方言之能通進而得其朝章國事然後易其文而存其義所謂大且遠者殆在於是安得謂非周秦之書不可讀耶近世魏默深氏海國圖志信稱善本他如圖理琛之異域錄陳倫炯之海國聞見錄皆已收入四庫遠而徵諸明季歐洲人士接踵遠至取彼圖籍譯為吾有如稟有詮六卷之類明史藝文志中已列其名西徼殊俗流播已久則是書之足備採納又何疑焉抑又聞之俄羅斯國於道光二十七年進書千有餘種存方略館度其中有可採者使出而譯之知沈君亦有意也沈君具肆應之才駸駸乎枋用於時暇而評文講藝聞者樂就時以疑義相討論因不揣固陋而為之序

光緒壬辰八月愚弟元和江衡

英法俄德四國志略序

司馬遷傳匈奴目頗班固次四夷諸傳而列史因之凡聲教所通莫不各有編述大都紀其立國之遠近幅輳

之廣狹部落之強弱風俗之殊異而於財賦兵戎語言文字未暇數數措意焉誠以中外間絕道化異且德非漸被所加刑非控御可及雖或內向往示羈縻勿絕而已周成之時越裳肅慎繼踵王庭其南朔皆在今亞細亞洲之內以周公之聖猶且重譯而後通其意可知方域之外休偽難稽絕無按撫無事致其聰明至通商事起中外交涉緩急為端千戈玉帛動準和釁旁生恒據取笑鄰敵非達乎彼我洞乎虛實不足以鉤距其輕慢而藉東其凌亢於是默深魏氏有海國圖志之作徵文考獻極其詳瞻較之往藉疏密霄壤其於形勢之要戒備之策深致意焉誠安邊之鴻秘據外之龜者也然而推測而合者未若目擊其數之為確焉者也諮詢而得者未若按籍而稽之為核焉者也深聞固拒者未若先事渝平之為豫焉者也方今使車四出駱驛疆界將以講信修睦慎固邦交也苟不知與國之情偽則無以善其因應然不究其語言文字則與國之情偽亦無由而知沈君仲禮少承父命游歷外洋諸國洞悉其情事歸而就其語言譯為文字先成英法俄德志略四卷余以董治水師學堂獲與君朝夕從事因出以畀余按其游迹所經凡二十餘國往返為日三百有九旬而於其國之沿革疆域政治財賦文學武備風俗物產製作諸鉅典略已習焉能說焉能詳亦可謂留心時故穎慧超越者矣公孫據能知四國之為而鄭之外文鮮有敗事使君得肩使命之選必有以折衝禦侮為國羽儀文誥往來嫻習有素當優裕於時賢固不啻光華耀四牡已也昔班定遠都護西域戡定三十六國皆使通其語言文字以鎮撫之而殊俗盡伏漢之威靈震於遠古今仲禮是編既通其語言文字矣鎮撫之勳何必後古人哉


光緒十八年孟秋既望臨川桂嵩慶序

英法俄德四國志略自序

數和自東髮未習舉業而於經世有用之書無不涉獵稍長見時事多故往遊泰西閱十有三月於其國之語

言文字精久有備乃復周覽其山川熟察其政事以達乎人民風俗耳之所聞目之所接軌以西字筆之意所不能通則證之於彼都之人士與其典藉都凡二十有餘國率隨得隨錄不加文義積稿盈篋未遑類次旋華以來迭受知疆吏捧檄奔走鮮坐定時近歲在省始獲暇晷而二三同好公餘過從詢及舊錄恨相見之晚爰檢校故紙擇其大者分別條理其有前人所已述則採取他書不復意補續六十日譯成英法俄德四國名之曰志略付諸削氏其餘他國各暇歲月次第編竣聊誌弱齡數萬里外鴻雪之跡非敢云問世也抑我思之方今中外輯睦皇華諸使駐節海外類多傳聞亮達不辱命之臣其所為料量荒服之情形規測重洋之要害必有鴻編巨帙足以備廷採而固疆防區區是略百不逮一世之覽者亦等諸海客談瀛可矣

光緒十八年壬辰四月四日明沈敦和識



西學新政叢書

英法俄德四國志略卷一

英吉利國

四明沈敦和著

沿革

英吉利古為土番部落漢以前無可考後為北狄峨特族所據漢宣帝五鳳三年羅馬大將愷撒渡海平之至今羅馬城開遺址尚在晉時羅馬衰亂峨特族比利敦人據之後為北狄蘇格蘭二部所奪是時比利敦人貧弱不能自立乞援於日耳曼之薩索尼人薩將兵應之破蘇格蘭二部脅降比利敦人陳後主元年據其全土後分為七部如列國小侯時相攻伐至唐德宗貞元十六年合而為一王厄北的嗣位名亞非烈仁智兼盡時稱賢王云宋真宗十九年丹馬大舉來伐全土為丹所據宋英宗治平年間英北族酋威廉欲圖興復統率丹即親征伐丹王禦之兵敗被殺威廉遂進據倫敦稱王馬宋高宗紹興二十三年嗣君顯理第二立征服阿爾蘭歸於一統後婚于法開疆拓土傑然稱雄尋戰死其弟約翰嗣位性剛直黜教會教王怒棄絕其民閉教堂廢婚葬民崇教久遂疾王王懼納貢教王魁柄遂奪民日擾亂公卿議立太魯強王署尾者為國典其子顯理第三嗣立權仍為公卿所侵再嗣義多亞第一復克威爾士又克蘇格蘭旋得普魯旱率眾拯救後得自立如初明萬曆三十一年君薨無子蘇格蘭王熱密斯者先王之姻也英人奉以嗣王位蘇遂與英倫合為一國稱曰大英明中葉時英人泛海覓新土得北亞美利加洲腴土徙國人實其地日漸開墾遂成沃壤英人倚為外府後英屢歲與法軍相持孔亟徵稅餉於亞美利加倍於常額民不能堪有華盛頓者據地倡叛英以大兵攻之八年不克法蘭西與英為世仇舉兵助華盛頓英不能敵乾隆四十七年南境沃土聽其自立為美利堅國北境荒夷仍為英轄時印度之孟加拉囚虐英人英以兵攻之印度遂為英有遍設市肆貿易日盛英富厚過

於昔時乾隆五十八年英與法王拿破命交兵九載方和息嘉慶二十一年拿破命復率舟師十萬最進攻幸英豫艦雲集師旅如林擁擠河道不能進發大敗法于比利時之富德祿擒拿破命流之聖海倫那荒島始得晏安道光十七年君亮無嗣立兄女維多里亞為王時年十八贊目耳曼列侯世子雅爾博為塔威豐四年俄侵土耳其屬邦英不利俄之得志於土發兵助土脅俄俄敗而退遂如英約欽軍罷戰今王在位已五十三年構兵屢勝國勢日強

疆域

英吉利在歐羅巴西北緯線自赤道北五十度起至五十八度半止經線自中國京師偏西一百十五度起至一百二十七度止東界北海西南北均接大西洋地分三土連東南土相連南曰英倫戶口約二千五百五十萬人北曰蘇格蘭戶口約三百五十萬人西一島曰阿爾蘭戶口約五百五十萬人英倫為其本境西界稍有山嶺平野居多長一千五百里闊一千二百里田土肥沃農勤耕種為歐名國河道不長其大者東曰達迷斯闊十尺曰恒比西曰美爾塞曰塞威內湖亦甚多風氣清淑分五十二府國都倫敦計廣一千五百方里建於河濱架鐵為橋九座甚壯麗河中有隱道以為火輪車出入之地無城郭百年前本有城因火器城不足衛而毀焉殿閣巍峨規模闊麗離宮別院遙遙相屬衙署屋宇庠序學校窮極奢華城南有水晶宮以玻璃建大廈高二十丈廣三里

有行宮樓凡三層計三十六百間有御花園地周六里植五大洲花木又有博物院施醫院養濟院生靈國皆景象繁華上肆櫛比商賈雲集諸貨畢備五方輻輳內港通海市埠最大帆船檣林立歲有列邦商舶往來為天下第一都會也南方分九府曰根德內有港口甚寬戰艦修造於此曰薩塞曰蘇福爾曰博克斯曰烏爾德曰索美塞曰多塞曰的溫曰康威凡戰艦武備在彼修製艘艘咸會萃焉哥奴瓦銅錫最富北方地形漸狹別一區宇分為六府曰約克內通港口名黑爾市堡之中貨物咸備屬區里的石飛製造羽毛利器運于各國關加

斯德首邑名曼且識特為洋布會萃之所外通港口名利物填輸帆運木棉者皆泊於此布帛運赴各國為英
第二市埠威斯謀蘭岡比蘭達罕諾東博蘭海口市埠為產煤之所中央分十八府支斯德德比諾定昂林哥
內捨羅斯達佛多寧市為陶人造器之所雷塞德魯德蘭亨丁敦諾但敦希爾佛爾塞德及威克屬邑定名罕製
鐵成于天下哥羅斯的阿斯佛有大書院肆名山業巴克比德佛英倫之西偏地形八海總名曰威爾士山嶺
重疊為英倫之後戶民之言語與英倫不同分十二府曰非林德敦比該拿文安勒塞美略內蒙局美里拉德
諾加的安本不羅該馬敦比勒諾加拉摩安海島甚多南曰日西額尼西一里維的連客往來西北曰一里曼
蘇格蘭在英倫之北長一千里闊五百里總計共約二十萬方里迤南田土肥沃岡陵寥落迤北峻嶺山嶺參
差河之支流不一大者東曰佛的帶堤西曰哥來的地多湖美麗雄壯不可勝計分三十三府曰壹丁伯首邑
同名街衛整潔萬廈雲連高樓十一層有製軍械廠為北方大都會海口利的貿易頗盛林利德合丁敦北維
克比北勒塞爾給羅斯不當非里給古比島柯敦辰爾拉拿海口大浦曰哥拉斯哥為洋布鋼鐵器會萃之所
與美利堅西印度島通貿易技非律絲織細網並搭膊巾最著名中央八府曰發夫京羅斯加拉馬南斯德零
善鼓鑄鈹器登曰敦白爾的佛法海口曰敦底築燈塔高一百十五尺以雙行船為洋布會萃之所京加丁分
十二府曰古蘭荷哥內二島該內斯孫德蘭羅斯哥馬的奈爾內慕來拜弗亞比田海口同名大呢洋布石版
頗威音威內斯亞及勒髮的島西方島嶼甚多總名布比利的島民多業漁

阿爾蘭在英倫之西海港隔斷別為一島長一千里闊七百里總計十一萬五千方里地勢廣平絕少岡陵多
渚澤氣候細溫絳花木茂盛鹿草著無為牛羊畜牧之地人呼之為綠島湖多秀麗景亦新奇河之支流甚
多其大者東曰山能地分四部三十二府東有連斯德分十二府曰都伯林首邑同名建於河濱下接海口水
深便于泊船貿易甚盛景交繁華樓貼東迷貼西迷貼維哥羅威斯弗幾爾給尼加羅幾爾代京岡的君岡的

即拂西有各諾的分五府曰力德靈斯來各羅斯哥門費約加爾威南有門斯德分六府曰格來爾里美黎格
黎高爾克高提弗的北拉黎北有亞爾斯德分九府曰安德靈斗尼亞爾馬戴倫倫敦德黎託尼加非馬那加
摩那干

藩屬

英吉利本國地止三大島其藩屬及屯煤扼守之地多在數十萬里之外在歐羅巴洲內者有三直布羅陀海
峽在日新巴尼亞西境為地中海入大西洋門馬爾他島在地中海形充如日中生出一山四圍環拱其築海
陸戶英據之於磐石上築砲台駐守兵五千人
立哥蘭島在丹馬國海面

在亞細亞洲有九五印度即古天錫蘭島在印度洋之東南麻喇甲洋在印度南威爾斯雷省轄印緬榔嶼在印
中

新嘉坡古名是叻在印度洋東南與北靈島毗鄰其地海口三亞丁在阿剌伯西南紅海之塞伯羅島在地
中

在阿非利加洲內有十好望角錫蘭島在印度洋東南與北靈島毗鄰其地海口三亞丁在阿剌伯西南紅海之塞伯羅島在地
中

所聖海倫島在大西洋中與密流亞森森島在大西洋空海西拉隆島在亞國之海濱干皮亞北地西哥
蘭可斯

在南阿美利加洲有二英屬幾內亞一名基福克蘭島美洲之南
在北阿美利加洲有十加拿他大員二士民英法蘭西諸國牛不倫瑞英段二省有海口最耶瓦蘇格西亞

及改北不里教島英皆設大員二為輪船寄泊之所比利斯愛華島英設大員為老牛芳蘭島士為日再曼教白漢大斯島在大西
英哥

喬比亞曰番可法島曰哈孫公司土亨得勒士所屬紅木皆產于此
在大西洋中有羣島五才美加島加拉拿大巴白陀斯利華島榮華島

在阿塞亞尼亞洲即南洋羣島有島五澳大利亞大島內有斯萬地曼島又名台紐西蘭島非支羣島來達島

在阿塞亞尼亞洲即南洋羣島有島五澳大利亞大島內有斯萬地曼島又名台紐西蘭島非支羣島來達島

在阿塞亞尼亞洲即南洋羣島有島五澳大利亞大島內有斯萬地曼島又名台紐西蘭島非支羣島來達島

在阿塞亞尼亞洲即南洋羣島有島五澳大利亞大島內有斯萬地曼島又名台紐西蘭島非支羣島來達島

政治

英吉利國男女皆得爲國主惟以長幼爲序國制有相二攝樞府此外尚書甚多一家部理禮儀稅賦一外部理外國交涉一印度部理五印度全境事務一藩部理各處屬地事務一兵部治陸軍一海部治水師一商部總司貿易一郵部總司信局電報一司幣藏一司出納一掌璽印各有侍郎四員即官數員副之各屬地設督撫以武職爲之然武職可補文官文官不能攝武職入官之始咸必讀書習藝武職則又入武學習兵法兼文武才也鄉城大小各設里長一百數十員黨正數十員以鄉大夫一員統之英語曰美亞居民產業在其地公議舉充一年更代皆無俸祿非富民不與選凡所管轄教養詞訟暨興修道路溝渠橋梁商賈貿易黨正均得舉治上諸鄉大夫歲收烟酒牛羊之稅以爲經費其他歲賦不與焉轄下有巡捕捕之多寡視事之繁簡口糧派諸富戶巨賈凡盜賊爭鬪之案巡捕執送鄉大夫訊之大獄歸刑司都城有議政院二一日議政上院舉英倫世爵約四百員蘇格蘭世爵十六員阿爾蘭世爵二十八員教會牧師二十六人處之一曰議政下院于三島居民中舉有才識者爲議院紳士英倫舉四百九十三人蘇格蘭舉六十人阿爾蘭舉百五人處之國有大事王諭相告議政上院集眾會議參決可否然後諸議政下院必與情悉洽乃見施行否則覆而勿論民欲興利除弊必先陳於議政下院酌核既定呈議政上院以爲可行即上之相而聞于王否則止小民控告亦如之每歲國王詔期臨院集臣工士庶諮詢得失各抒所見以議時政人分三等一日五爵二曰紳士三曰鄉民五爵惟長子世襲

財賦

泰西各國財賦出入維均庫無藏經設有急需則百千萬金可計日而集以下議院即富民總匯之區故易集事英國小異民多饒富有大事則爭出重資以假國用至于稅課無人不征無物不征無事不征凡大小賈販

樹藝畜牧漁獵匠作官商律師教師婚嫁雇役皆須領票準充此準票稅也商賈合夥有券出賃入賃有券
銀收銀有券析產領產有券賣地賣地有券皆由官驗明蓋印兩稅之然後行此印票稅也富室畜車馬犬亦
稅珍異古玩賭具烟酒茶葉稅尤重課稅繁重而民不怨其苛歟者以國家收支款項必造冊曉諭民不疑焉
惟海關于主產出口不加征歲賦進款各口關稅金銀二千一百三萬三千磅內地貨稅金銀二千五百七十
八萬五千磅印票稅金銀九百九十四萬七千磅地畝樹林房稅金銀二百三十三萬七千磅新水稅金銀七
百五十萬磅書信局利銀四百八十二萬磅電報利銀一百一萬五千磅土地租息金銀三十七萬五千磅雜
項稅金銀三百七十九萬六千七百七十磅每年所入共金銀七千六百六十萬八千七百七十磅國用兵部
金錢一千五百二十五萬八千四百磅水師海部金錢九百八十七萬三千磅文事各員俸金錢一千一百六
萬七千八百磅各局費^{各收捐人員}七百三十五萬一千九百磅國債利銀二千六百七十五萬磅別有外費
一百五十七萬磅共七千一百八十七萬一千一百磅又築海口礮台額外增費六百八十六萬八千磅國債
約七百八十四兆九十四萬二千一百三磅歲高利銀二十六兆八十萬四千八百五十三磅五印度所入歲
賦金錢約十五千萬磅英國出納常額今昔不相懸殊錢與有金錢^{名掃法命即}重二錢二分值中國銀三兩
七八錢有金錢^{名哈天}值中國銀一兩八錢大銀錢^{名克}值中國銀八錢有奇小銀錢^{名先}值中國一錢六分
次小銀錢^{名本}值中國銀八分再次小銀錢^{名地}值中國銀四分一釐銅錢^{名地}值中國銀一分三釐

文學

英吉利文學國相王之歲撥帑藏並捐充藉沒之資約金錢三百萬為各書院學校經費英倫大書院五阿克
斯佛堪比治斗漢倫敦曼且識特蘇格蘭大書院四壹丁伯哥拉斯哥亞比田聖安德路阿爾蘭大書院一英
俗一鄉一鎮皆設義塾歸地方紳董舉辦費則地方捐給不足者官為津貼子女自五歲至十三歲無貧富悉

令至熟英國計有義塾一萬二千七百十三所在塾幼童已有一百九十五萬四千四百六十三人在塾數年後拔其優者升大書院衣食皆取給焉其課程天文地理格致詞章古文歷算化學醫學律學各門類生徒專習一門定制大考二次初入院考一次察其淺深也中間不限年月以專習之門再考一次觀其進境也將出院考一次定其優劣也三考不列等願出院者聽願留院俟下屆再試者亦聽列等後可得模非色如中國再考可得曼亞夫阿如中國再考或著書立說可得道德如中國其方言英倫合安格羅薩格生臘丁法蘭西諸土語為英吉利語言蘇格蘭本高立阿利世土語阿爾蘭本阿利世土語英都有國家博物院藏書庫廣數百畝堂室數百楹羅列五洲各國歷代書籍七萬數千卷堂上設案檯男女往觀者日數百人早入暮歸任其檢讀抄錄而不能揭歸其餘各室儲圖書寶玩歷代印書古今器具動植石碑石椰古錢斷瓦分類列陳以廣學識每年經費金錢十三萬

武備

陸路兵額由議院核准通國兵數及費歸下議院逐年分定定兵數時先由兵部計事總統大臣為之按庫按屯開單送兵部由部查開兵費各單交下議院核款近年有職武官七千二十人公舉武弁一萬六千九十八人步兵十萬五千八百五十人共十二萬五千四百人其在印度共計六萬二千九百二十四人國內留後兵有十三萬九千十八人平時營田工作有事一召即集又留後馬兵一萬五千八十六人又團練兵十六萬七百五十人內大礮兵三萬七百五十人馬步兵工程兵來福槍兵共十三萬人又退休兵三萬五千人皆由議院綜覈而收發之計陸路各軍歲需兵費金錢十三兆二千三百萬一千四百磅英倫阿爾蘭計陸兵十萬五千人將一員將軍十員鎮之步兵紮屯六十六處礮兵紮屯十二處馬兵紮屯二處各處號令視十將軍十將軍所部之號令視大將軍以次遞傳嚴明齊一將軍又以時按行部陳而策勤惰焉英之將士平時令學古兵法設

輪略館

即武備書院

四處其極大者在英倫都城之和三次地方一在汕頭斯脫次者在徹勒雪一在德伯林又有

武書院隨營之外科醫生暨行首之工程弁兵皆在焉其武職官員皆從略略館出其兵弁技藝皆從武書院出和三次歲需館費一萬九千九百五十五磅汕頭斯脫歲需館費二萬五千八十磅總計讀書經費歲需十三萬三千九百三十磅又每歲添二十人學習兵法將以派往印度歲增費三千磅由下議院籌辦至于水師由海部大臣總理其事有幫辦四人海部大臣專務調度兵船稽查利弊而幫辦亦各任職其一總理船廠造船等事其二管理轉運糧餉其三司銀款其四總理購料置物諸務水師餉費銀九兆八十七萬二千七百二十五磅行船水手三萬四千人在船學習幼童七千五百人管大礮兵在船八千人在口岸六十人鎮守本國海邊各船大礮兵四千三百人守印度兵船武官兵弁一千二百人共六萬一千人大小鐵甲礮兵船共有七十餘艘魚雷快船百餘艘各要隘礮臺皆新式極稱鞏固造兵船官廠有六曰恰脫姆曰西由而納司曰德芬樣脫曰樓次木特曰噴薄而克曰坤士諸民廠製甲艦者十有一曰陸摩達曰泰姆士曰阿姆斯特郎密大爾曰拍木耳曰撒路曰電耳特曰愛爾鐸曰湯姆生曰冠爾特曰內登耳曰歐耳勒曰西脫大礮有二種一曰阿姆新脫郎一曰烏里治前後膛皆有最大者口徑十六寸彈重一千三百二十餘斤每響用藥六百六十斤連珠礮曰喀登飛有單管四管十管槍名曰利馬梯尼大礮所用火藥有栗色塊形如餅六角中穿七孔以汽炙木成炭眼硝磺故色不黑而火力過送子力足又有棉花火藥以棉花紡線以汽蒸之浸礮水中而成有乳濕兩種乾者遇火即燃濕者觸電始燃以之放水十最良

風俗

英臣見國王指帽鞠躬握君之手而嘆之以為禮初見屈一膝外邦人朝見惟三鞠躬而已命婦每月朝君二次男女皆冠冠制不入室雖嚴冬必去土戶雖盛夏亦冠兩人相遇均免冠親密者握手俗尚右女重子男

行坐皆女先男後女右男左間行入市遇婦女必讓讓必右朝夕餐飲男女同席皆更衣沐手入座對婦女不吸煙不及穢語大宴奏樂男女婚嫁皆自擇兩意相投各告父母無諍家私訂姻以素金約指一枚為聘迨過門則偕赴耶穌堂延教師誦經大會賓客供十字架於案新婦偕婿入跪案前俸親之女即偕跪伴親人數不
等教士亦跪旋起立向新婦與婿誦戒語戒畢而祝祝畢導夫婦入後堂書名冊籍嫁後從夫姓又同赴鄉官
署各秉筆立案遂任所之偕行數百里謂新婚遊歷宿客店或舟次成婚新婦衣白蒙首以白紗婿常服嫁女
賄送良厚衣服器用纖悉畢具男家戚友亦助女妝無為男助婚費者初婚曰綠婚以黃楊葉置花冠上偕老
二十五年曰銀婚冠以銀為之再二十五年曰金婚冠以金為之再二十五年曰鋼鑽婚冠綴金鋼鑽石也國
無娶妻之例一夫祇配一妻國王亦然婦之再嫁與鰥之再娶無異跳舞會男女面何携持男以一手挽女腰
女以一手握男臂旋舞庭中每四五人對舞皆繞庭數周而後止女子袒露男則禮服衣襟整肅惟下襟染成
肉色緊貼腰足遠視之若裸體而是非也此俗歐洲最古會恒數千人有通宵不散者國中大小衙署莫不有
跳舞庭凡宴會先傳帖客必回函道謝不赴者亦函辭赴會時持帖往俾閨人驗而後入見主人先握手稱謝
見他客鞠躬為禮接交則握手問好見女客亦鞠躬女出手則接握入坐位次依所貼名單無讓之煩茶會
恒數百人大致相同見主人握手後各尋樂終會無拘束然必俟女客散後方歸不散不歸尊女也子婦不與
舅姑同居惟常至舅姑家問訊而已男子授室皆謀生業不與父母相聞問有居官數十載而歸仍不一省視
者男女皆遊行街市夫若禁之婦可控官國法將夫科罰市肆以婦女為掌櫃故婦必入塾無不識字知書
英俗人死則沐浴其尸衣以身前禮服殮服尚白國王后妃皆無陵寢既殯即葬於宮殿之下鑲石範銅肖像
其上無祭享之禮庶人死必由醫生書憑乃殯棺否則不可得墳墓有官地公塚有每家自置穴地開掘極深
先葬於底覆以石繼死者加於上相繼層疊高與地平凡新長婦與子女七日不出共客食喪服無定制以期

為度服純黑不及年而赴宴聽樂嫁娶者人必識之亦有應親而指墓者插鮮花一迷無祭掃禮也獻歲有餽贈父母之禮兄弟夫婦之間亦如之未逮之先不使其知即一物一件亦可為禮

氣候物產

通國氣候惟蘇格蘭極冷餘皆溫和夏無炎暑冬多霧行人靚面不相見白晝燃燈有煤鐵礦二千五百三十五處春秋雨暘時若地土沃饒國以煤鐵為大宗鉛錫紅銅馬口鐵石片多有民採五金為活者約五十萬人所產煤鐵五金並製成鐵器利器農器出售者歲值金錢九千萬磅織布用機器有織布廠二千五百所男女織布匠六十八萬人有織羊毛呢紗緞廠一千八百所織絨氈廠六百餘所又有織絲緞織麻布織手套襪子窗簾等廠數百所所成呢布紗緞歲值金錢五十八兆三千三萬磅

貨殖

英國地土肥沃產煤鐵為最多餘皆仰給于他國按近年進口貨冊如數彙運自美俄德本棉運自美國五印度埃及巴西羊毛運自澳大利亞五印度俄德糖運自巴西五印度及西印度島木植運自美洲瑞典哪噠德俄茶葉運自中國五印度麻運自德和絲運自中國法義埃及五印度酒運自法蘭日斯巴尼亞進口貨歲值金錢四百兆磅其出口各布足運中國及印度土耳其巴西美國棉紗運德印度我土羊毛呢紗運中國美德法和澳大利亞鋼鐵運中國法美印度和澳機器利器運美澳印度法德俄日斯煤運法德和日斯紅黃銅運印度法義呂宋器熟皮鞍轡等物運美澳巴西及各藩屬歲值金錢三百兆磅往來各國商船約三萬七千餘艘自有大輪車船後貿易更盛倍於十年前矣

製作

英吉利街道石左砌石使人行走中鋪泥沙以利車行總計縱長二萬四千英里每英里合中橫長十萬英里